

REGLUGERÐ

um breytingu á reglugerð nr. 486/1982 um söluskatt.

1. gr.

1. mgr. 14. tl. 13. gr. reglugerðarinnar orðist svo:
Sala á fasteignum, skipum og flugvélum.

2. gr.

15. tl. 14. gr. reglugerðarinnar orðist svo:
Aðgangseyrir að íþróttasýningum, íþróttamótum, skíðalyftum, sundstöðum, gufubaðstofum, nuddstofum, ljósastofum, heilsuræktarstofum, kappreiðum og góðhestakeppni.

3. gr.

Reglugerð þessi sem sett er skv. heimild í 20. gr. laga nr. 10/1960 um söluskatt með síðari breytingum, öðlast gildi hinn 1. nóvember 1982.

Fjármálaráðuneytið, 25. október 1982.

Ragnar Arnalds.

Höskuldur Jónsson.

18. október 1982.

Nr. 586.

AUGLÝSING

um staðfestingu sjávarútvegsráðuneytisins á verðgrundvelli á óverkuðum saltfiski fyrir framleiðslutímabilið frá 1. júní til 31. ágúst 1982 annars vegar og 1. september til 30. nóvember 1982 hins vegar.

Með skírskotun til laga nr. 72 28. maí 1969, um Verðjöfnunarsjóð fiskiðnaðarins og samkvæmt tillögum stjórnar Verðjöfnunarsjóðs, hefur ráðuneytið staðfest eftirfarandi verðgrundvöll á óverkuðum saltfiski framleiddum á tímabilinu frá 1. júní til 31. ágúst 1982 annars vegar og 1. september til 30. nóvember 1982 hins vegar:

Óverkaður saltfiskur:

	U. S.\$ pr. lest fob.
Stórfiskur nr. 1	2 549,00
Millifiskur nr. 1	2 319,00
Smáfiskur 40/60 nr. 1	2 011,00
Smáfiskur 60/100 nr. 1	1 869,00

Verðbil verður 2% og miðast við verðhækkun eingöngu.

Greiðslur í sjóðinn verða 75% af verðbreytingu frá grundvallarverði að viðbættu verðbili, en greiðslur úr sjóðnum 75% af verðbreytingu frá grundvallarverði án verðbils.

Grundvallarverð miðast við viðskiptagengi (skilagengi) eins og það er á hverjum tíma.

Sjávarútvegsráðuneytið, 18. október 1982.

F. h. r.

Jón L. Arnalds.

Kristín Magnússon.